



PRIJEDLOG

PROGRAM
UTROŠKA SREDSTAVA - POTICAJ U ZAPOŠLJAVANJU
MLADIH PODUZETNIKA ZA 2021. GODINU

IZRADILA:
Služba za privredu, finansije/financije
i razvoj poduzetništva

Maglaj, maj 2021. godine

PROGRAM
UTROŠKA SREDSTAVA - POTICAJ U ZAPOŠLJAVANJU
MLADIH PODUZETNIKA ZA 2021. GODINU

UVOD

U skladu sa članom 13. Zakona o principima lokalne samouprave u Federaciji BiH („Sl. novine FBiH“, broj: 49/06, 51/09), člana 18. Statuta Općine Maglaj (“Sl. novine Općine Maglaj”, broj: 8/07, 3/08 i 6/08), Budžeta/Proračuna Općine Maglaj za 2021. godinu, i člana 40. Odluke o izvršavanju Budžeta/Proračuna Općine Maglaj za 2021. godinu (“Sl. novine Općine Maglaj”, broj: 3/21), Općinsko vijeće Maglaj donosi Program utroška sredstava - poticaj u zapošljavanju mladih poduzetnika za 2021. godinu sa pozicije ekonomski kod 615211 – Poticaj u zapošljavanju mladih poduzetnika prema javnom pozivu - Start Up.

U Budžetu/Proračunu Općine Maglaj za 2021. godinu na ovoj poziciji predviđeno je 30.000,00 KM za sufinansiranje samozapošljavanja mladih poduzetnika u 2021. godini na području općine Maglaj.

Program ima za cilj inicirati višestruke koristi za lokalnu zajednicu:

- promovisati poduzetnički duh,
- poboljšati vještine mladih i nezaposlenih osoba,
- generisati nove poslovne ideje,
- pružiti podršku razvoju novih preduzeća i otvaranju novih radnih mjesta,
- povećati broj novoregistriranih firmi na području općine,
- smanjiti broj nezaposlenih na evidenciji Zavoda za zapošljavanje,
- stvoriti ambijent za razvoj privatnog poduzetništva.

Program odabira kandidata za start-up trening, obuhvata takmičenje u sticanju potrebnih znanja i vještina iz poduzetništva, pisanje vlastitih poslovnih planova i mogućnosti učestvovanja u takmičenju za najbolje poslovne ideje.

Općina Maglaj kao glavni finansijer Projekta osigurala je finansijsku podršku za najbolje ocjenjene takmičare, u zavisnosti od kvalitete ocjenjenih biznis planova, uz uslov registracije samostalnog biznisa na području općine Maglaj.

I. OPĆI UVJETI

Programom sufinansiranja samozapošljavanja u 2021. godini - Projekat „Starter“ 2021 podrazumjeva Start-up trening i uključuje sljedeće:

- Trenere - poslovni savjetnici Odjeljenje za lokalni razvoj, biznis i poduzetništvo (ili certificirana Agencija).
- Mjesto održavanja treninga - Sala Općinskog vijeća Maglaj.
- Jednodnevni ili dvodnevni trening (zavisno od broja prijavljenih kandidata).
- Maksimalno 20 učesnika na treningu.

II. KORISNICI PROGRAMA

Korisnici programa su:

1. Potencijalni mladi poduzetnici (bez obzira na godine starosti).
2. Da se isti nalaze na evidenciji Biroa za zapošljavanje Maglaj (prednost imaju kandidati sa dužim vremenom provedenim na evidenciji nezaposlenih).
3. Da imaju prijavljeno prebivalište na području općine Maglaj.
4. Minimalni nivo obrazovanja – srednja stručna sprema (minimalno III stepen stručne spreme).
5. Kandidatima koji posjeduju želju za pokretanjem samostalnog biznisa.
6. U Programu ne mogu učestvovati osobe koje su po “Javnom pozivu za odabir kandidata za pokretanje start-up biznisa u okviru Projekta - STARTER“ iz **2018., 2019. i 2020.** godine koristili ova poticajna sredstva za pokretanje djelatnosti i u čijoj realizaciji je učestvovala Općina Maglaj, kao ni osobe koje su odjavile djelatnost/društvo u periodu od 12 (dvanaest) mjeseci prije objave Javnog poziva za učešće u ovom programu.

III. PROVEDBA POSTUPKA SA NAČINOM ISPLATE

Općina Maglaj će u skladu sa planiranim Programom sufinansiranja samozapošljavanja za 2021. godinu objaviti Javni poziv za odabir kandidata za pokretanje start-up biznisa u okviru Projekta „Starter“ 2021. Rok za prijavu kandidata je 15 dana od dana objavljivanja javnog poziva.

Predmet Javnog poziva za odabir kandidata za pokretanje start-up biznisa u okviru Projekta „Starter“ 2021. je odabir kandidata i za start-up trening – “Edukativni program za poboljšanje mogućnosti samozapošljavanja“.

Interes korisnika Projekta je stjecanje novih znanja iz oblasti poduzetništva i pokretanja vlastitih biznisa kroz „Start-up“ shemu, koja bi obuhvatala sljedeće:

1. Jednodnevna ili dvodnevna edukacija „Kako napisati dobar biznis plan“;
2. Javni poziv za dostavu biznis planova (rok za dostavu biznis planova je 15 dana);
3. Formiranje stručne tročlane Komisije za evaluaciju i ocjenu pristiglih prijava po javnom pozivu. Komisiju imenuje Načelnik općine svojim rješenjem, članove komisije čine po jedan predstavnik: resorne općinske Službe, Komisije Općinskog vijeća za privredu, prostorno uređenje, urbanizam i zaštitu okoliša i Privrednog savjeta općine Maglaj;
4. Evaluacija i ocjena pristiglih biznis planova (tročlana Komisija - rok za ocjenu 7 dana);
5. Javna prezentacija svih biznis planova od njihovih aplikantata (u Sali Općine Maglaj pred članovima Komisije i svim prisutnim ostalim aplikantima);
6. Konačna ocjena na evaluatorskim obrascima i konačna rang lista biznis planova (na bazi prosječne ocjene svih članova Komisije) u programu utroška sredstava - poticaj u samozapošljavanju mladih poduzetnika za 2021. godinu;
7. Potpisivanje ugovora o grant pomoći.

Po potpisivanju Ugovora o sufinansiranju samozapošljavanja nezaposlenih lica sa Biroa za zapošljavanje u okviru Projekta „Starter“ 2021. zaključenog između Načelnika općine i korisnika programa slijedi ispunjenje međusobnih obaveza za odobravanje sredstava.

IV. MEĐUSOBNE OBAVEZE

Ovim Programom su definisane i međusobne obaveze nosioca i korisnika Programa, i to:

- **Obaveze Korisnika Programa**

1. Korisnik je dužan, u roku od 30 dana od dana zaključenja ugovora, kao uslov za isplatu odobrenih sredstava, Općini dostaviti:
 - rješenje o registraciji obavljanja djelatnosti,
 - uvjerenje o poreskoj registraciji (ID broj),
 - obrazac JS3100,
 - broj računa kod poslovne banke,
 - mjenica
2. Korisnik je saglasan da će najmanje 12 mjeseci od dana odobravanja sredstava imati registrovanu djelatnost koja je predmet ovog ugovora.
3. U slučaju odjave registrovane djelatnosti, Korisnik se obavezuje o tome obavijestiti Općinu 15 dana prije nastupanja te okolnosti i izvršiti povrat uplaćenih sredstava, odnosno Općina će aktivirati mjenicu, srazmjerno neizvršenju ugovorene obaveze.

- **Obaveze Općine**

1. Korisnik sredstava obavezan je u roku od 30 dana od dana potpisivanja Ugovora izvršiti registraciju djelatnosti kod općinske Službe za privredu, finansije/financije i razvoj poduzetništva odnosno kod Općinskog suda Zenica (za d.o.o.).
2. Općina Maglaj se obavezuje Korisniku sredstava isplatiti odobrena sredstva, u zavisnosti od kvalitete biznis plana, najkasnije u roku od 30 dana od dana dostavljanja tražene dokumentacije.
3. U slučaju nepoštivanja ugovorenih obaveza, Općina će pokrenuti postupak raskida ugovora radi povrata uplaćenih sredstava, srazmjerno izvršenju ugovorenih obaveza.
4. Općina će provoditi kontrolu realizacije ugovorenih obaveza, i to: provjerom u bazi podataka PIO/MIO, provjerom statusa finansirane osobe kod nadležnog Biroa za zapošljavanje, a prema potrebi i kontrolom provođenja ugovorenih obaveza kod Korisnika.
5. Ugovor stupa na snagu danom potpisivanja ugovora od strane ugovornih strana.

Služba nadležna za provođenje Programa utroška sredstava - Poticaj u zapošljavanju mladih poduzetnika za 2021. godinu, je Služba za privredu, finansije/financije i razvoj poduzetništva Općine Maglaj.

Napomena:

Planirani iznos poticaja može biti i izvan utvrđenog iznosa, u zavisnosti od stanja punjenja Budžeta/Proračuna Općine Maglaj u 2021. godini.

Broj:
Datum:

PREDSJEDAVAJUĆA
Svjetlana Zamboni-Radovanović

O b r a z l o ž e n j e

Općinsko vijeće Maglaj Zaključkom broj: 02-04-1-690-11/21 od 21.04.2021. godine na svojoj 4. redovnoj sjednici prihvatilo je Nacrt Programa utroška sredstava – poticaj u zapošljavanju mladih poduzetnika za 2021. godinu, i istim Nacrt Programa uputilo u javnu raspravu, organizator javne rasprave je Služba za privredu, finansije/finansije i razvoj poduzetništva.

Cilj javne rasprave o Nacrtu Programa utroška sredstava – poticaja u zapošljavanju mladih poduzetnika za 2021. godinu bio je da se doprinese njegovom poboljšanju, kako bi Služba za privredu, finansije/finansije i razvoj poduzetništva kao njegov predlagač, dostavila Općinskom vijeću Maglaj odgovarajući Prijedlog Programa. Poziv za javnu raspravu sa Nacrtom Programa objavljen je putem RTV Maglaj, web stranice Općine, Oglasne ploče Općine Maglaj, putem MZ-a na području općine i Biroa rada Maglaj. Nacrt Programa je bio dostupan i u Općini Maglaj na prijemnom šalteru Općine i u kancelariji broj 40.

Na Javnu raspravu pozvani su građani i potencijalni mladi poduzetnici, koji se nalaze na evidenciji Biroa za zapošljavanje Maglaj, posjeduju želju za pokretanjem samostalnog biznisa i smatraju da mogu pomoći u procesu davanja primjedbi i prijedloga na Nacrt Programa utroška sredstava – poticaj u zapošljavanju mladih poduzetnika za 2021. godinu.

Javna rasprava održana je dana 20.05.2021. godine sa početkom u 11,00 sati u kino sali JU Dom kulture "Edhem Mulabdić" Maglaj. Na javnu raspravu se odazvalo 3 učesnika, i tokom Javne rasprave prisutnima se pružila mogućnost iznošenja vlastitih mišljenja i stavova u vezi sa predloženim Nacrtom Programa, a sve u cilju što kvalitetnije konačne verzije ovog dokumenta.

Nakon održane Javne rasprave Služba je razmotrila iznesene primjedbe i prijedloge i utvrdila sljedeće: prihvaćena je iznesena sugestija da se u Program u dijelu "KORISNICI PROGRAMA" doda tačka 6. koja bi glasila:

"6. U Programu ne mogu učestvovati osobe koje su po "Javnom pozivu za odabir kandidata za pokretanje start-up biznisa u okviru Projekta - STARTER" iz 2018., 2019. i 2020. godine koristili ova poticajna sredstva za pokretanje djelatnosti i u čijoj realizaciji je učestvovala Općina Maglaj, kao ni osobe koje su odjavile djelatnost/društvo u periodu od 12 (dvanaest) mjeseci prije objave Javnog poziva za učešće u ovom programu."

Preporuka sa Javne rasprave za "određivanje članova Komisije koji će učestvovati na evaluaciji biznis planova, konkretno da članove Komisije odabere Načelnik Općine Maglaj zbog brzine i efikasnosti same evaluacije i ocjene biznis planova, iz razloga što Općina učestvuje i daje sredstva sama bez učešća drugih" nije prihvaćena iz razloga što je stav Općine Maglaj da zbog transparentnosti izbora korisnika Programa treba zadržati prijedlog koji je dat i usvojen 2020. godine i koji se pokazao kao dobar, a to je da: "Formiranje stručne tročlane Komisije za evaluaciju i ocjenu pristiglih prijava po javnom pozivu. Komisiju imenuje Načelnik općine svojim rješenjem, članove komisije čine po jedan predstavnik: resorne općinske Službe, Komisije Općinskog vijeća za privredu, prostorno uređenje, urbanizam i zaštitu okoliša i Privrednog savjeta općine Maglaj".

U skladu sa navedenim Služba za privredu, finansije/finansije i razvoj poduzetništva Općine Maglaj Općinskom vijeću Maglaj dostavlja dokument Prijedloga Programa utroška sredstava - poticaja u zapošljavanju mladih poduzetnika za 2021. godinu.

Obradivač: Ferhat Bradarić

Kontrolor: Senada Alibajraktarević

Služba za privredu, finansije/finansije
i razvoj poduzetništva